



UNIVERSITÄTS-
BIBLIOTHEK
PADERBORN

Universitätsbibliothek Paderborn

Sancta Communitas, In Paupertate religiosa inviolata

Wissingh, Anton

Coloniae Agrippinae, 1699

Cap. IV. De aliis prærogativis evangelicæ paupertatis.

[urn:nbn:de:hbz:466:1-49611](#)

CAPUT IV.

De aliis prærogativis Evangelice Paupertatis, &c.

Q. 1. An singularis amor paupertatis evangelice sit prærogativa dicenda.

R. 1. affirm. Ita enim de S.P.N. Francisco scribit D. Bonav. c. 7. Prærogativa quadam speciali promeruit in divitias simplicitatis excrescere per altissimam paupertatis amorem. h.i.

R. 2. Vocatur prærogativa specialis, propter fructum multiplicem, sed occultum, ut ajebat S. Pater. Deinde, quia non est datum nisi amicis singularibus Dei, tam libenter, tam amanter, tam perseveranter, tam universaliter pro amore Christi cuncta terrena despiceret, & Christo pauperi in paupertate conformari. Demum, quia hoc requirit, immo supponit robur animi heroicum, quod non datur nisi specialibus amicis Dei.

Q. 2. Quo encomio nobilitatit, & compellat paupertatem S.P.N. Franciscus.

R. Ex historia vitæ ejus, quod eam subinde nominavit tenero affectu, & devotionis mirificæ sensu, Matrem, Dominam, Sponsam, Patrimonium Christi, margaritam Evangelii, semen regni, portionem gregis Christi, Mensam Domini, thesaurum Paradisi, radicem sanctitudinis, arram beatitudinis, hereditatem servorum Dei, &c. Hujus amorem ut tenacius imprimeret Fratribus, metu misere inopiae terruit, dum saepe dixit: Fratres mei, si paupertatem fugeritis, homines fugient vos. Ab illa

illa proinde nec minimūm discedere volebat, quantæcumque necessitatis prætextu: gloriatus que fuit in Domino, se paupertatem evangelicam perfectè lectatum fuisse, & numquam (pro quanto conscientia propria retinuisset) hanc matrem suam paupertatem offendisse. *O Patriarcha pauperum Francise, auge talem tuorum numerum in charitate Christi, ob quem tam tenerè paupertatem dilexisti.*

Q. 3. Quare vocetur paupertas evangelica margarita.

R. Quòd propter cùtuplicem rationem, I. Margarita non invenitur, nisi à quærente (Simile est regnum calorum homini negotiatori quærenti bonas margaritas: inventâ autem Eccl. Matth. 13.) at paupertatem pauci inveniunt, quia pauci quærunt; ideo non quærunt, quia non diligunt, est enim Paupertas (ut Seneca ajebat) odibile bonum: & quia non diligunt, hinc non eligunt, nisi illi pauci, quibus valorem illius dedit agnoscere Christus, qui eam amissam, & conculcatam quæsivit, & reinvenit in terris; propterea enim descendit de cælis, ut ait S. Bern.

II. Ob annexum dominium; de quo S. Bonav. serm. 2. de S. Petro: Nobilis margarita paupertas; que dum omnia contemnit, dominium super omnia accipit. Sicut è contra avarus dum omnia appetit, omnium servum se facit. Quare avari numquam possunt esse beati, quia numquam possunt esse contenti. h. i. Intellige haec non de dominio proprietatis, sed dominio, quô dominatur sibi ipsi, malis passionibus, ac vitiis; item mundanis bonis, & ho-

noribus, in quantum refugit subjici illis, & non indiget illis frequenter, cum paucissimis facile contentetur.

III. Ob annexam ad promissam dotem; de qua S. Bonav. in c. 10. Lucæ: *Paupertas cum appareat turpis ac vitis, junxit ei Dominus maximam dotem, ut per illam saltem in coniugium possit assumi, cum dixit: Beati pauperes spiritu, quoniam ipsorum est regnum celorum. h. i.*

IV. Ob annexam regiam dignitatem; de qua S. Bern. Epist. 103. *Volo te esse amicum pauperum, magis autem imitatorem. Ille gradus proficientium est, hic perfectorum: amicitia namque pauperum, Regis amicos constituit; sed amor paupertatis Reges facit. Regnum deniq; celorum pauperum est. h. i.*

V. Quia quietat affectum hominis. Seneca epist. 2. ad Lucilium: *Cui cum paupertate bene convenit, dives est. Non enim qui parum habet, sed qui plus cupit, pauper est. h. i.*

VI. Ob annexam quamdam terrenam felicitatem; nam (ut l.c. discurrit Antonius à Spiritu S.) illud nobis persuasum esse debet, eum esse beatorem, non qui plus habet, sed qui minus cupit. Quid enim est beatitudo? summa inopia cupiditatum. Itaque ille beatissimus est, qui nihil desiderat, quem pauca satiant. Cur sunt inventæ opes? non ideo, ut plura habeamus, sed ne quid deesset. Mensura igitur opulentiae est, non plus habere, sed minus deesse. Sed illi nihil deest, qui nihil desiderat. Ergo. h.i.

CA.